


TIIJÄTKÖ MITÄ VUOKKINIEMEN KYLÄN ISTORIJAŠTA? MIMMONI ON KYLÄ NYKYJÄH?

1. Tiijätkö, jotta vuotena 1800 Vuokkiniemeššä oli 281 eläjä, a vuotena 1890 jo 695 ihmistä?
2. Tiijätkö, jotta Vuokkiniemen eläjät kerähmööššä piätettih vuotena 1872 avata kyläh koulun?
3. Tiijätkö, jotta vuotena 1917 avattih Karjalan Sivissyseuran avuššuksella Vienah 4 kiertokouluo, ka kakši niistä oltih Vuokkiniemeššä? Nasto Lesojeff alotti opaššukšen ensimmäiseššä koulušša Vuokkiniemen kyläššä, jatko šiitä Kaskol'ašša, Tollonjovella ta lopukši Pohkalahešša. Kivijärven kyläššä oli toini koulu ta opaštaja Jelena Marttini.
4. Tiijätkö, jotta šuuren terrorin vuosina 1937-38 Vuokkiniemeššä vankittih 69 henkie?
5. Tiijätkö, jotta vienalaisen laukunkantajan sumčča (laukku) šuatto painua 70-80 kiluo?
6. Tiijätkö, jotta nykyseh rakennukšeh Vuokkiniemen koulu muutti 15. šyyškuuta 1998?
7. Tiijätkö, jotta vuotena 1907 Vuokkiniemeššä annettih 544 passie kulkukauppua / laukunkantuo varoin?
8. Tiijätkö, jotta vuokkiniemeläisie kučuttih tuppelaisiksi ili tupenkolahuttajiksi? Tiijätkö, jotta tupenkolahuttaja-šana tulou šiitä, jotta konša vuokkiniemeläiset näkeyvyttih hyö tuppejah kolisseltih yhteh?
9. Tiijätkö, jotta vuotena 1678 Vuokkiniemen yhekšäššä talošša oli elän 30 mieštä ta alaikäistä poikalašta?



10. Tiijätkö, jotta šukunimi Remšu on mainittu vuokkiniemeläiseksi jo vuotena 1678. Ta nykyjähki šuurin oša Vuokkiniemen eläjistä ollah Remšuja: Remšu – 34, Remšujev – 25, yhteš 59 sukunimen kantajua. Ta šiiitä matatah Vataset ta Lesoset, heitä on 26 joka ryhmäššä.

11. Tiijätkö, jotta Vuokkiniemen kouluššä opaššuvuotena 2016-17 opaštu 37 lašta ta päiväkotih kävi 12 lašta?


12. Tiijätkö, jotta Vuokkiniemen Kylätalolla ruatau kotišeutumusejo, kumpasen esinehistö on kerätty kyläläisien voimin? A kuulusašta 1800-luvulta šäilyneheštä kauppiehan Ončintalosta šen pihapiirin'eh on tullun etnografni musejo kešällä 2014. 1800-1900 lukujen vaihteheššä še oli toimin kestikievarina (esim. I.K. Inha ta K.F. Karjalainen on yövytty šiinä), neuvoštoaikana sovhoosin konttorina ta myöhemmin taloššä oli kyläläisien kortteerija.

13. Tiijätkö, jotta Vuokkiniemen kyläpruasniekka on Il'p'apäivä, 2. elokuuta? Il'p'apäivänä enšimmäistä kertua kuokitah ta keitetäh uutta potakkua maisseltavaksi. Il'p'apäiväštä alkuan ei šais järvie kylpie. Il'p'apäivänä pruasniekkarahvaš keräytyy juhlimah Ončintalon pihah.

14. Tiijätkö, jotta Vuokkiniemen luonnon kaunis Čärkkä (hiekkaharju) on rakaštavaisien mielehini kävelypolku? Šieltä kylä näkyy loitoš, ka Čärkällä olijat ollah šopivasti mäntyjen peitoššä 😊

15. Tiijätkö, jotta kylän kirikönpuolista ošua šanottih Ryhjäkši? Jotta joka kylänošalla oli ennen vanhah oma nimityš? Nykyjäh aktiiviseššä käytöššä ollah ainaški Kyyrölä, Kaskol'a, Šepänniemi, Lammaisjärvi.

16. Tiijätkö, jotta Piplijan (Uuvven šanan, v. 2011) vienankarjalakši on kiäntän yhteistyöššä Piplijankiännöšinstituutin kera vuokkiniemeläini Raisa Remšujeva? Kal'evala-eepossan vienankarjalaini kiännöš (v. 2015) on niisi Raisan luatima ta še oli Karjalan Sivistysseuran projekti.



17. Tiijätkö, jotta Vuokkiniemi on suomalais-ugrilaini kulttuurikaupunki 2017?

18. ...

19. ...

Tehtävä. Näitä tietokysymyksiä vois kirjuttaa lisyäki. Mitä uutta mukavua tietuo Vuokkinie-
meštä šait muistihiš karjalan kielen kurššien aikana 2017?